

গণপ্রজাতন্ত্রী বাংলাদেশ সরকার
মন্ত্রিপরিষদ বিভাগ
নিকার অধিশাখা।

প্রজ্ঞাপন

ঢাকা, ০২ সেপ্টেম্বর ২০০৯/১৮ ভাদ্র ১৪১৬

নং-মপবি/নিকার/৩(১)/২০০৮-১২০- গণপ্রজাতন্ত্রী বাংলাদেশ সরকার মন্ত্রিপরিষদ বিভাগের গত ১১-০৯-২০০২ তারিখের মপবি/নিকার/৩(৫)/২০০০-১৭৮ নম্বর প্রজ্ঞাপনমূলে গঠিত 'নতুন উপজেলা ও থানা স্থাপন সংক্রান্ত সচিব কমিটি'র গঠন ও অন্যান্য বিষয় অপরিবর্তিত রেখে কেবলমাত্র কার্যপরিধি সংশোধনক্রমে শিল্পরূপ পুনঃনির্ধারণ করেছে :-

নতুন উপজেলা ও থানা স্থাপন সংক্রান্ত সচিব কমিটি :

কমিটির গঠন :-

(১)	মন্ত্রিপরিষদ সচিব	-	সভাপতি
(২)	সচিব, স্বরাষ্ট্র মন্ত্রণালয়	-	সদস্য
(৩)	সচিব, সংস্থাপন মন্ত্রণালয়	-	সদস্য
(৪)	সচিব, গৃহায়ণ ও গণপূর্ত মন্ত্রণালয়	-	সদস্য
(৫)	সচিব, অর্থ বিভাগ	-	সদস্য
(৬)	সচিব, স্থানীয় সরকার বিভাগ	-	সদস্য
(৭)	সচিব, ভূমি মন্ত্রণালয়	-	সদস্য

২। কমিটির কার্যপরিধি :-

- (১) নতুন উপজেলা, থানা ও তদন্তকেন্দ্র স্থাপন সম্পর্কিত নীতিমালা প্রণয়নের জন্য সুপারিশ প্রদান;
- (২) উপজেলা ও থানার অধিক্ষেত্র এবং সদর দপ্তর স্থাপনের স্থান সম্পর্কে সুপারিশ প্রদান;
- (৩) উপজেলা ও থানা স্থাপনের জন্য প্রয়োজনীয় ভূমি ও ভৌত অবকাঠামো সুবিধাদি নিরূপণ ও সুপারিশ প্রদান;
- (৪) উপজেলা ও থানার বিভিন্ন সরকারী অফিসসমূহের ন্যূনতম লোকবল নির্ধারণ ও পদায়ন প্রক্রিয়া সম্পর্কে সুপারিশ প্রদান;
- (৫) ভূমি অধিগ্রহণ, ভৌত অবকাঠামো ও লোকবলের জন্য প্রয়োজনীয় অর্থের থাকলন প্রণয়ন ও সংকুলান সম্পর্কে সুপারিশ প্রদান;
- (৬) উপজেলা, ইউনিয়ন, থানা, মৌজার কোন এলাকা অন্য উপজেলা, ইউনিয়ন, থানা বা মৌজার সাথে সংযুক্ত কিংবা বিয়ুক্তির বিষয়ে সুপারিশ প্রদান।
- (৭) পুলিশ তদন্তকেন্দ্রের দপ্তর স্থাপনের স্থান নির্ধারণ;
- (৮) পুলিশ তদন্তকেন্দ্র স্থাপনের জন্য প্রয়োজনীয় ভূমি ও ভৌত অবকাঠামো সুবিধাদির প্রস্তাব অনুমোদন;
- (৯) পুলিশ তদন্তকেন্দ্রের ন্যূনতম লোকবল নির্ধারণ ও পদায়ন প্রক্রিয়া অনুমোদন;
- (১০) সংশ্লিষ্ট অন্যান্য বিষয়াদি।

৩। প্রয়োজনবোধে এ কমিটি নতুন সদস্য অন্তর্ভুক্ত (কো-অপ্ট) করতে পারবে।

৪। মন্ত্রিপরিষদ বিভাগ কমিটির সাচিবিক সহায়তা প্রদান করবে।

৫। ইহা অবিলম্বে কার্যকর হবে।

রাষ্ট্রপতির আদেশক্রমে

(মোঃ মতিয়ার রহমান)

যুগ্ম সচিব (কমিটি ও উন্নয়ন)।

উপ-নিয়ন্ত্রক

বাংলাদেশ ফরমস ও প্রকাশনা অফিস

তেজগাঁও, ঢাকা (বাংলাদেশ গেজেটের অতিরিক্ত সংখ্যা জরুরী ভিত্তিতে প্রকাশের জন্য)।

বিতরণ :

১। মন্ত্রিপরিষদ সচিব, মন্ত্রিপরিষদ বিভাগ।

২। সকল সদস্য।